

حقوقی بیکیسیر مجموعه سی

هر آياك اوز بيشنده نشر اولنور

واسع مقیاسده قبول ایتکده ایکن سوء استعمال ایدلدیکنی کوره‌دک تعدیل ایتیش وقانونک شهود شخصی استماعی منع ایتدیکی مسائلده قبول ایتکده بولنمشدر وحتی بونک مثلاً ضیاعی محتمل شهادتک کاتب عدل حضورنده تثبیتی کافی کورمکده ایسه‌ده اشبو تحقیقاتک مطلقاً طرف دیگر حضورنده وهیچ اولمازسه طرف دیگره دعوتنامه ارسالیله رؤیت وثبیتی قابل و بونک شهود شخصی استماعی ممکن اولان مسائله حصر ایدلسی ضروری اولدیفندن پروفور غارسونه و برو متفقددرلکه بزم حقوق اصول محاکمه‌سنگ ۳۷۳نچی ماده‌سیده اشبو دلائل مضبوطه‌نک تقدیر قیمتی صرف وجدان حکامه ترک ایدرک مؤلفین مذکورنک نقطه نظری قبول ایتکده‌در.

آدوقات

م. آصف

مقوق اداره

داخلیه وکالتک نشر ایتکده اولدیغی آیلق اداره مجموعه‌سنگ نisan نسخهنسده مندرج طابو مدیر عمومی عاطف بك افندیك مقاله‌سنی اهمیتنه بناء بوجه زیر اقتباس ایدیوروز :

اداره خصوصیه‌لر قالمالیی ، یوقسه قالمالیی

آقره ۹۲۸/۴/۲۹

ولایتلرک اداره خصوصیه دینیلن محلی اداره‌لرینک لغوی حقنده آره صره بعض تمیلر ومطالع‌لر سرد ایدلمکده اولدیفندن بز مقاله‌مزده بو اداره‌لرک قانناماسنک حقوقاً ممکن وفعللاً ملکتنک منافعه اویغون اولوب اولدیغی مطالعه وتدقیق ایده‌جکز . بزجه اداره خصوصیه‌لر قالدیرله‌ماز ، یعنی انقلابک ، خلق اداره‌سی اصولنک ، وتشکیلات اساسیه قانوننک روحارینی خیربالامادن بوسیستمک الغاسنه امکان یوقدر . دنیاده مادی ومعنوی هر موجودک کندیسنه کوره بر ماهیتی وسیر استقامتی واردر ، وبونلری ضرورت اشیا تمیین وتحدید ایدر ، یوقسه بز آرزو وکیفمزه کوره تبدیل وتغیره قاننامایز ؟ انقلاب دیمک کیف مالتفق موجودی وحال حاضری بوزوب دکیشدیرمک دکلدز ؛ انقلابمزک شویله عمومی صورنده ماهیت وهویتنی تدقیق ایتدیکمز

زمان کوربرزکه تورک انقلابی خلق آرزو واراده سنه استناد ایدن واونک انکشاف و سعادتی تأمین ایتک ایستین بر اداره بی عمده و غایه اتخاذ ایتشد. آنا قانونمز اولان تشکیلات اساسیه قانونه باقدیممز زمان ایسه کوربرزکه ولایتلرک اداره سی توسیع مأذونیت و تفریق وظائف اساسنه کوره قورولمشدر، محلی اداره لرک لغوی حالنده انقلابمزک استهداف ایتدیکی خلق اداره سی غایه سندن آچیقندن آچینه رجعت ایدلش اولور؛ باش وکیل عصمت باشا حضرتلری جمهوریت خلق فرقه سی قونغرهنده کی نطقلرنده شخصلری قادار یوکسک بر احاطه و صلاحیتلری نسبتنده کنیش بروقوف ایله محلی اداره لره کافی صلاحیت ویرلمسی لزوم و اهمیتته قانع اولدقلری بیان بیورمشلردی.

شو حالده تورک انقلابنک قوردیغی خلقه طوغری دستوری، تشکیلات اساسیه قانوننک وضع ایتدیکی تفریق وظائف اساسی و حکومتمزمک صریح نقطه نظری محلی اداره لرک ابقاسی و حتی توسیعی آمردر. بز بوراده بوتاریخی، قانونی، و فعلی ضرورتلری بر طرفه بر افرق نظری صورته اداره خصوصیه لرک لغوینک مملکت ایچون لزومی و فائده لی اولوب اولدیغی تدقیق ایده جکمز: اداره خصوصیه لرک مشغول اولدقلری ایشلر معارف، نافع، صحیه کی ولایتلرک شهرلری، قصبه لری و کویلری آره سنده مشترک اولان محلی ایشلری و احتیاجلریدر؛ دولته عائد اولان مصلحتلرک دولت، شهر و قصبه لره راجع اولان امورک بلدیله و کویله متعلق ایشلرک کوی هیئتلری طرفندن تمثیت و تدویری نه قادار طبیعی ایسه ولایت ایشلرینک دخی کندی مجلس عمومیلری معرفتیه تأمین و رؤیت ایدلمسی اوقدر ضروری و منطقیدر. بر ایشک تأمین ایچون اول امرده اونی مشاهده ایتک، ثانیاً اجراسنه قرار ویرمک، ثالثاً بو قراری تطبیق ایتک، رابعاً میدان کلن اثری حسن اداره و محافظه ایتک کی درت اساسی عملیه لزوم واردر. مشاهده ایدلین بر ایش حقنده بالطبع بر قرار ویرله مز. (مثلاً برجاده نک چار بوقلغنی، قالدیرمک بوزوقلغنی بلدیله رئیس کورمز، بر بطاقلنگ قوروتلمسک ضروری اولدیغی علاقه داری فرق ایتمزه بونلر حقنده بر قرار ویرلمسنه امکان یوقدر. حقنده قرار ویرلین بر مسئله نک اجرا آنه کچلمسهنده بالطبع امکان یوقدر.

بایلان اجراآت ادامه و حسن محافظه ایدلمزه وقوع بولان صرفیات وفدا کارلقلر هدر اولور. ولایتلره عائد محلی اموری اله آله لم. بوکی ایشلری الک ایی کیم مشاهده

ایده بیلور؟ و کیملر دها اینی بر صورتده کوره بیله جک موقعده درلر. دولت مرکزنده بولان دولت مؤسسه لریمی، یوقه اوایشک یاننده وبالنفس ایچنده بولسان ولایت مؤسسه لریمی؟ صکره بو خصوصده ویریه جک قرارلری تطبیق واجرا ایده جک، میدانه کلن ایشک و اثرک حسن محافظه سیله مکلف اوله بیله جک عنصرلر کیملردر؟ بر چوق مهم ایشلرله مشغول اولان دولتک مرکزی مؤسسه لرینی برده یاقین ویا اوزاق ولایتلرک محلی اموریه مشغول اولسنی طلب ایتمک هر حالده مصلحتک ایجابنه پک آقیری برتمیدر. بو طلبده مرکزی تمثیل ایتمک اوزره کوندریلن مأمورلرک لیاقتنه اعتمادسزاق چیقماسه بیله ملی و محلی لیاقت و قابلیتلرک هنوز کال وانکشاف حاله کلدیکی ظنی استشمام ایتمک ممکندر. مات مثللری دولتک مقدراتنه واضع الید بولنورکن، ولایت متخبرینک کندی محلی ومنطقوی ایشلری مشاهده وتوبه ده اک صلاحیتدار بر موقع وشخصیت صاحبی اولدقلرینی قبول ایتمک قدر طبیعی بر کیفیت اولاماز. اداره ایله علاقه دار اولان هر کس بیلور که ماضینک دارمرکز تحیلکی زماننده مثلا بر قاچ یومیه ایله قیامسی وتعمیرایدلسی ممکن اولان بر کوپری رخنه سی فورمالیتلر، اشعار واستشمار یوزندن آیلرجه وسنه لرجه تخصیصاتی مرکزدن کتیریه مز و او کوپری ده طاقیله چوکر و کیدردی.

ولایت ایشلرینک محللرینه ترکی حالتده بر طاقم یولسزلقلر وسوه استعماللر وقوعه کله بیلیر شهه سی ویا ککشدیر کیفیتی بزه بوسیستمک لغوی ضرورتی اثبات ایتمز. نته کیم «قولزده عارض بر روماتیزمه صانچیسندن طولانی قولزی مفصلندن کسوب آتمغه قیام ایتمه یز، بویه بر نتیجه ی قارشی یا اولدن حفظ الصحه قواعدینه کوره تدبیر آلیرز یا خود خسته لیرسه ق تداو یسنه توسل ایده رز»

سوه استعمال یولسز حرکتلر هر زمان، هر یرده هر اداره ده وقوعه کله بیله جکی کبی بونک وقوعی منع ایده جک تدبیرلر اتخاذ وضابطه لر وضع اولنه بیلیر. شوراسی نظر دقتدن اوزاق طولتلاملیدر که فائده لری اولان هر اصول وسیستمک عینی زمانده بعض محذوری ده اولابیلیر. فقط مثلا طیاره لردن قضا وقوعه کلیور دیبه طیاره لری احما ایتمک کیمسه نک خاطرندن کچمز. تفریق وظائف نظریه سی ولایتلره بخش ایدیلن حقوق وصلاحتلرک سلبی واجرائی صورتده وقوعه کله جک سوه استعماللرینه قارشی عینی زمانده

دولتہ نظارت و وصایت حقنی دخی بخش ایتمش اولدیغندن ولایتلرک کندیلرینه مودوع وظیفه لری یاپمالارینه و یاقانونی حق و حدودلرینی تجاوز ایتمه لرینه نظر یاتده هیچ برزمان امکان یوقدر. ۱. اگر بوکا فعلیاتده امکان کوریلیرسه بوتقدیرده مرکز نظارت و وصایت حقنی اہمال ایدیور دیمکدر. محلی امور حقندہ وقوعه کلکده اولان اعتراضلری بز شو اوچ نقطہده خلاصہ ایدہ بیله جکمزى ظن ایدیور. ۱ - ولایتلرک مجبوری خدمت لری لایقلہ و بر اصول تحتندہ ایفا ایتمه ماری. ۲ - ولایت تخصیصاتی لزومسز و اجابیسز صرف ایتملری. ۳ - واردات رسومک تحصیل وجباتی خصوصندہ یاپیلہ حق تشکیلات کی تأسیسلرله فضلہ مصارف اختیار اولنسی.

حقیقتده بواوچ محذورك هیچ بری وارد دکلد، چونکہ ولایتلرک مجبوری خدمت و وظیفه لرندن برینی ایفا ایتمه مسی ایچون اونی بودجه سنہ ادخال ایتمه مسی لازمد.

ا. اگر بونقصان والینک مجلس عمومی به قارشی وظیفه سنی حقیله ایفا ایتمه مسندن متولد ایسه داخله وکالتی بودجه نک تدقیق و تصدیق صره سندہ بونی مشاهدہ ایدہ رک بودجه یی لاجل الاکمال محلہ اعاده ایدر. یاپیلہ حق ایشلرک اصول تحتندہ یاپیلہ مسی لزومنی وکالتلر، ولایتلره بخش ایدیلن صلاحیتلرک روحه مغایر اولماق شرطیلہ ویرہ جکلری دیرہ کتبلر و تعلیماتلره تأمین ایدرلر. ولایت تخصیصاتنک لزومسز و اجابیسز صرفه دخی هیچ امکان یوقدر. هیچ بر ولایتک هیچ بر مأموری ولایت بودجه سنک بر غروشنی دخی مواضع الہندن غیریسنہ و یامعین رسمی اصوللر خارجندہ کیفی اولہرق صرف ایدہ مز. تحصیلات وسائرہ کی مصرفلرک چوقلغنه کلنجه بونک دخی اصغری حده ایندیرلہ مسی امکانی مفقود دکلد. مثلا ولایت وارداتی تحصیلاتنک دولت تحصیلدارلرینه یاخود دولت تحصیلاتنک ولایت تحصیلدارلرینه تحمیلی صورتیلہ بوقیل مصارقاتک تقسیمی ممکندر.

بوکون علمک نورینه مستغرق اولان دنیایی اداره ایدن، نظریه لر واونلرک وضع ایتدیکی سیستمه ملردر. بر قوماندان بالظریه پلانلرنده غالب اولدینی ایچون فعلاً غالبدر. یوقسه بوغالبیت نه برطالع و تصادف اثری نده فوق البشر بر جہد و جسارت محصولیدر. بوکونکی مثبت علملر و فیلر بوکی عامللرک تأثیرینی همان همان صفرہ ایندیرمشدر. محاربه لردہ حیدرانه صولت و شجاعتلرک قیمتی قالمادینی کی اداره دده علو همتلرک موقعی

قائم‌مشر . بر مملکت اداره موضوعات و سیستم‌های مملکتی از دولتی آنجا ترقی و انکشافه مظهر اولور؛ بر نظریه‌های، اصول و سیستم‌های محصولی اولین ایشلر و اثرلر یا عمومی احتیاجات تقابل ایتیان پراکنده و اهمیت‌های شیردر، یا خود زمانک النده پیرانوب محو اولمغه محکوم موقت موجودیت‌های در، اداره تاریخ‌های تدقیق ایدیلر سه کوریلر که بر مدحت پاشا طونه‌دن بصره کورفرینه قدر مأمور اولدینی و لایترده بر چوق عمران اثرلری وجوده کتیرمش، بر خلیل رفعت پاشا سیواس اووالرینه چادیرینی قوردیر اراق باشنه طوپلادینی نفیر عاملرله کیلومترولرجه یوللر یابدیرمش، بر عبدالرحمن پاشا اعانه طریقه قسطنیونی قضالرنده کوزل خسته‌خانه‌لر انشا ایتدیرمش؛ بومقشبت چالیشقان و مقدم والیرک وجوده کتیردکلری اثرلر تقدیریه شایان اولمغه برابر بو مملکتک محتاج اولدینی عمران و اعمار احتیاجی قارشوسنده جدی بر کمیت تشکیلندن بالطبع اوزاقدی . والینک ویا اداره مأمورینک رویت و همته قلمش و بر اقلمش اولان ایشلر و لایترک محتاج اولدینی اساسی، شامل و عمومی اجرا آتی هیچ بر زمان تطمین ایدمه‌ز . بونی تأمین و تطمین ایدمه‌جک اصول و سیستم حاله ارجاع ایدیلن اداره وقاعده‌لری و اولک تطبیقی درعهده ایدن و مملکتک هر طرفده منتظماً و متدباً ایشله‌ین اداره ماکنه‌لیرد . والیر و اداره مأمورلری عمران و عرفان ایشلرینی بر آتور اوله‌رق دکل وظیفه‌های تحمیل ایتدیکی بر بحبورت و ضرورت دولایسیله و بر مه‌تود و پروغرام دائره‌سنده ایضا ایدرلر سه آنجق عمومی احتیاجات جواب ویره‌جک جدی و پایدار اثرلر میدانه کلیر .

جمهوریتک، سابق اداره‌لرک لندن تسلیم آلدینی و لایترک خراب و یوقسول منظره‌سی کورلدکن صکره اداری مرکزیت سیستمک قطعی افلاسه حکم ایتماکه امکان یوقدر . بواصولک بتون استعداد و قابیلتری احیا ایدن و احتیاج‌های صوصدیران خرب و بوغیجی تأثیراتی قارشوسنده یوقاریده عرض ایتدیکنز وجهله بعض غیور و مقشبت اداره آدم‌لرینک همت و غیرت‌لری، ماهیت تأثیر و اثر اعتباریله بر نوع اداری سپورک ایلروسنه کچه‌مه‌مشر . مملکت اولادینک عزیز و مقدس قانلری بهاسنه‌لده ایدیلن انقلابه خیانت ایتمش اولمه‌دن ماضینک سقیم و مؤلم مرکزیتیه رجوع ایدیه‌ز . وتورک وطنی و لایترینک محتاج اولدینی معظم عمران و عرفان ایشلرینی فلان ویا فلان مأمورک همت و مروتندن

بکدیکی دورلری چوقدن کریده راقشدر. انقلاب بزه شخصی کرامتار و عنایتار یرینه علمک اصول و سیدستملرینه ایمانی تلقین ایتدیکی ایچوندرکه بز اوئی مثبت بر حقیقت اولارق واونک واضی بویوک غازی بی مملکتک قودر تولوش واحیا دستورلرینک واضی بویوک بر لهزیسلاتور صفیله تحیل ایدیورز .

داخلیه وکیلی شکری قیابک افندی بویوک ملت مجلسنده بر قاچ کون اولکی نطقارنده اختصاصدن متولد بر وقوف و نفوذ نظرله افاده بویوردقلری وجهله مشروطیتده متوالی حربلر یوزندن فیضی و ثمره سی کوستره مین محلی ادارهلر اصولنک جمهوریتک فیضی سینه سنده مرکزک بصیرتکار مراقبه سینه بیلکیلی ونورلی نظارته مظهر اولق شرطیله اعظمی واحیا کار راندمانی ویره جکندن هیچ شبهه اتمه ملیدر .

مرکزی دولت مؤسسه لری ایچونده اداری مرکزیت کپی خود کام فکرلردن طوغان ذهنیتلرک عقامتیه صابلا نوب قالمقدنسه ولایتلره بخش ایدیلن حقوق و صلاحیتلری مؤثر بر نظارت و مشر بر مراقبه ایله تنظیم و اداره به موفق اولق البته بیوک بر لیاقت و او نسبتده بیوک بر شرف تأمین ایدر .

طایب مدیر عمومی

عاطف

ارکلی حوضه فحمیه سنده کی معدن کموری اوجاقلری ایچون ویریلان رخصتنامه لرک امتیاز ماهیتنده اولوب اولمادیغی حقنده بر مطالعه

آووقات : خریساتلوس

۱ — هر کسجه معلوم اولمادیغی اوزره معادن اصلیه و سطحیه ۲۶ مارت ۳۲۲ تاریخلی معادن نظامنامه سینه و ذیللرینه و تعدیلاتنه و طاش اوجاقلری و امثالی معادن سطحیه و عمقیه ۱۶ مایس ۳۱۷ تاریخلی نظامنامه مخصوصه سینه و حصراً ارکلی معدن کموری اوجاقلری ده ۲۴ نیسان ۱۲۸۳ تاریخلی و بالوجوه خصوصی یوز ماده لک بر تعاملنامه به تابع در و احکام عمومی به تقدیم ایده جکی محتاج ایضاح دکلدر .

۲ — شو حالده تقدیماً مذکور تعاملنامه به مراجعت ایلدیکم زده بونک هیچ بر ماده و یا فقره سنده امتیازه و یا شرائط امتیازی به دائر بر جمله و حتی بر عباریه تصادف ایده میز .